

ԼՈՐԵՆՑ ՓՕՆ ՇՏԱՅՆ

Ներկայ դարու քառասնական թւականները զարգացման և եռման մեծ ժամանակն էին. այդ ժամանակն էր, երբ Եւրոպայում արդէն կատարւած էին սոցիալական, քաղաքական և գիտական յեղափոխութիւններ և երբ սկսեցին մոցնել եւրոպական պետութիւնների մէջ կառավարութեան սահմանադրական ձևը, որ և այժմ գոյութիւն ունի՝ Այդ մեծ շարժումների գիտական նշանաւոր վետերաններից քչերն են վկայ ֆինացել այժմեայ զարգացման և այդ սակաւներից մէկն է Լօրէնց Փօն Շտայն, այն մարդը, որ անցեալ մասին տօնեց իւր դօքտորական հիսնամեակը և որը հրապարակախօսութեան և գիտութեան մէջ՝ թէ քաղաքականապէս և թէ դօքտրինական կերպով գործել է այն մարդկանց շարքում, որոնք առաջացրել են ներկայ ժամանակի յառաջդիմութիւնը:

Շտայնը սկզբում զինւորական աշակերտ էր Դանեմարքում, յետոյ աշակերտ միջնակարգ դպրոցի Ֆլենսբուրգում, ուստից նա յետոյ անցաւ Ենայի համալսարանը: Այդտեղ նա դառաւ անդամ ուսանողական հին ընկերութեան (բուրշենշաֆտ), որը շատ հալածւած էր, լինելով ներկայացուցիչ գերմանական միութեան գաղափարի և հակառակորդ այսպէս կոչւած մանրիշխանականութեան (Kleinstaaterei): Յետոյ նա աւարտեց ուսումը Կիլի համալսարանում և ստացաւ դօքտորութեան աստիճանը. հէնց այդտեղ էլ նա սկսեց իւր գրական գործունէութիւնը իւր առաջին գրւածքով՝ Դանիական քաղաքացիական պրօցեսի պատմութիւնը:

Այդ այն ժամանակն էր, երբ հոգեկան և քաղաքական եւրոպան երկու բանակների էր բաժանւած: Մէկ կողմ կանգնած էին Դերմանիայի ֆիլօսօֆայական և իրաւագիտական սիստեմները, որոնք դի-

տական թէօրիաների արգումենտներից դուրս գալով՝ դիմում էին կառավարութիւններին, յորդորելով, որ սոքա իրանք իրանք վերանորոգեն: Այդ սիստեմները իրանց քաղաքական շինութիւնները կառուցանում էին Կանտի, Ֆիխտէի և Հեգելի Ֆիլոսոֆայութիւնների հիմունքների վերայ, յետ ու յետ մղելով Ստահլի յետադիմական-րէակցիօնական գաղափարները, որ ամփոփել էր նա իւր «Restauration der Staatswissenschaften» գրքի մէջ և միւս կողմից ազահարթ սնւում էին Ադամ Սմիթի քաղաքատնտեսական և Թիւնէնի ու Բէրիի գիւղատնտեսական վարդապետութիւններով՝ ոգևորւելով այն նախադուշակած պետական — քաղաքական վարչութեան համար, որի մէջ ժողովուրդը ապագայում պէտք է իւր ձայնը ունենար:

Միւս կողմից սակայն արագ ըմբռնումով և զգացումով տաքարիւն Ֆրանսական ազգը, խրախուսւած իւր առաջին յաջողութիւններով թագաւորական և ազնւական իշխանութեան վերայ, չէր սպասում, մինչև որ գիտութեան թէօրիաներով նախ համոզւի ու ապա միայն գործէ, այլ հարւածներ տւեց այդ խնդրի զորդեան հանգոյցին իւր ապստամբութիւններով, որպէս նաև ոչ խիստ գիտնական սօցիալիստական սիստեմներով և ուտօպիաներով, որոնց հեղինակներն էին՝ Կաբէ՝ Voyage en Icarie յայտնի բանդագուշական-ուտօպիական գրածքի հեղինակը, Ֆուրիէ, Սէն-Սիմօն, Լույի Բլան, Բարբէ և այլն:

Սա մի վկայութիւն է Լօրէնց Շտայնի համարձակութեան և պետական մարդու հեռատեսութեան, որ նա այդ ժամանակ, անփող որպէս նա էր, վճռեց կաւքով (երկաթուղիների մասին այն ժամանակ դեռ քիչ էր խօսւում) Կիլից գնալ Պարիզ, որը այն ժամանակ այնքան հեռու էր թւում, որպէս այժմ Ամերիկան: Նորան այնտեղ մղող իղէալը բուն գերմանական գիտնականի իղէալն էր, — այն ոյժերը, որ այն ժամանակեայ պատմական զարգացման մէջ գործում էին և որոնք արտայայտւում էին թէ բարձրագույն և թէ կամաց ձայնով սօցիալիստների, կոմունիստների և ուտօպիստների կողմից՝ մի օրեկտիւ գիտնական սիստեմի վերածել:

Հին մարդկային հասարակութեան այդ ահեղ շարժումները և, այսպէս ասած, մակերևոյթի գալարւումները, հասարակութեան, որը մի նոր ձևակերպութեան էին ուղւում հասցնել, Շտայնի համար

միայն մասններ էին այն մեծ պատմական սրբոցեսի, որի յետևից նա տեսնում էր մի աւելի մեծ պատկեր, այն է՝ մարդկային իրաւունքի, նորա սկզբունքների ու հիմնական գաղափարների մշտնջենական շարժող նորակազմութիւնը և զարգացման յառաջադիմութիւնը։ Այդ բոլորը Տոալենին թւում էին իբր իրաւունքի պատմութեան և այն էլ մի եւրոպական և նոյն իսկ համաշխարհային իրաւունքի պատմութեան մի մեծ դարագլխի ապոլիմաններու եւ այն առաջին հռչակաւոր գիրքը, որ իւր Պարիզում եղած ժամանակի շրջանից էր ծագած (1840—1842 թ.), էր «Այժմեայ Ֆրանսիայի սոցիալիզմը և կոմունիզմը» (1842, երկր. տիպ 1848 թ.), որը հեղինակի ասելով, նախապատրաստական աշխատանք է մի ապագայ եւրոպական իրաւական պատմութեան։ Այդ գրքի երկրորդ մասում նա առաջին անգամ Ֆրանսիայի ընկերական ամբողջ շարժման և նորա ներկայացուցիչների մի նկարագիր տուեց, որից գերազանցը մինչ այժմ էլ ոչ ոք չի տւել. իսկ գրքի աւաջին հատորում նա որոշում է գաղափարս՝ հասարակութիւն, որը այժմեայ գիտնական տերմինօլոգիայով կոչւում է «հասարակական գիտութիւն»։ Եւ նորա՝ գլխաւոր աքսիօմը, թէ հասարակութիւնը և նորա իրաւունքը կախած է շարժական թէ անշարժ կարողութեան բաշխումից, — այդ ժամանակից դէս դառել է մի հիմնական գաղափար ապագայ ամեն մի իրաւագիտութեան, պատմութեան, և այնքան անհերքելի, որքան մի նոր տարրի գիտը քիմիայի մէջ։ Նա մեզ աւաջին անգամ ցոյց է տալիս այդ պրքում, թէ ինչպէս մեր դարու առաջին կէսի արած փորձերը ապացոյց տւին, որ անկարելի է պետական կազմակերպութեան և սահմանադրութեան խնդիրը բաժանել կարողութեան բաշխման խնդրից և կամ նոցա հիմնել կոմունիստական գաղափարների վերայ, որոնք պահանջում են կարողութեան հաւասար բաշխումը և թէ ինչպէս այն բոլոր յեղափոխութիւնները միայն այս հասարակ հետեւանքներն են ունեցած, որ հասարակութեան կազմակերպութիւնը հիմնել են վաստակած կարողութեան վերայ, փոխանակ ժաւանգած կարողութեան։

Տոալենի երրորդ մեծ երկը, որ չորս տարի յետոյ լոյս տեսաւ (1846), նոյն գաղափարներով է տողորւած և նոյնպէս մի նախաշաւիղ է իրաւունքի մի մեծ պատմութեան։ Դա երրորդ մասն է եռահատոր «Ֆրանսիայի պետական և իրաւական պատմութեան», որ նա

միասին Լ. Ա. Վարնկեօնիզ և Թ. Ա. Վարկեօնիզի հետ հրատարակեց: Ֆրանսիացիների համար պէտք է մի գերմանական գիտնական գրէր նոցա սեպհական իրաւական պատմութիւնը!—Նրիւ տարի յետոյ, (1848) նոյն ժամանակ, երբ երկրորդ տպագրութեամբ լոյս տեսաւ նորա «Սօցիալիզմը», հրատարակեց նա մի յաւելած այս վերջին գրքի, ուր նա երրորդ (այն է 1848-ի մարտին) ֆրանսիական յեղափոխութիւնից զէս կատարւած սօցիալիստական և կոմունիստական շարժումներն է ուսանում: Ամաւր 1848 թ. նա երկրորդ անգամ Պարիզ էր գնացած, ակադեմիական ազատ ամիսներին, քանի որ նա 1846-ից Կիլ'ում պրօֆեսոր էր: 1850-ին լոյս է տեսնում նոր մշակւած ձեռք նորա «Պատմութիւն սօցիալական շարժումների ֆրանսիայում» երեք հատորով, որի մէջ աւելի ընդարձակ և սխտեմական կերպով ձեւակերպւած են նորա այդ խնդրի առիթով գրւածները և բաժանած երեք շրջանների՝ սկզբից մինչ 1830 թ., յետոյ 1830—1848, մինչ այսպէս կոչւած «գործարանական հասարակութեան» ժամանակը, իւր սկզբունքներով «թագաւորութեան, հանրապետութեան, ֆրանսիական հասարակութեան ինքնիշխանութեան մասին 1848-ի փետրւարի յեղափոխութիւնից զէս»:

Այս երկերը ղեռ չը վերջացրած, Շտալնը իւր ուշքը դարձրեց մի բոլորովին տարբեր գրական ապարիզի վերայ: Գերմանիայում և մանաւանդ իւր հայրենի Նլեզլիզ-Հօլշտայնում պատրաստուող քաղաքական եւութիւնները, որոնց նա մօտիկուց մասնակցում էր, նորան դարձրին մէկը նշանաւոր հրապարակախօսներից: Իւր հայրենի երկրի պետական-իրաւական դրութիւնը լաւ ուսումնասիրելուց յետոյ, նա հրատարակեց 1847-ին իւր «Ներածութիւն Նլեզլիզ-Հօլշտայնի դքսութիւնների դասակարգային իրաւունքի»: Հռչակեցին մանաւանդ նորա երկարամեայ թղթակցութիւնները Նլեզլիզ-Հօլշտայնի մասին Կոտտայի «Ալգեմայնէ-Յայտունգ» լրագրում: Եւ շուտով այդ բանից յետ նա կոչեց գործոն ղեր կատարելու Նլեզլիզ-Հօլշտայնի խառնակութիւնների մէջ: Նրբ 1848-ին Նլեզլիզ-Հօլշտայնից ինքնակամ կերպով պատրաստութիւններ տեսան պատերազմելու Դանեմարքի դէմ, որը այդ երկիրները կամենում էր նահանգների դարձնել, հակառակ այդ երկրի սահմանադրութեան (այսինքն որ Դանեմարքի թագաւորը լինէր միևնոյն ժամանակ ղուքս Նլեզլիզ-Հօլշտայնի),

Նտայնը պէտք է իւր ութ պրօֆեսոր ընկերների և իւր ընտանիքի հետ փախչէր՝ չը կալանաւորելու համար:

Երեք պրուսական համալսարաններից նա հրաւէրք ստացաւ, բայց չ'ընդունեց, որովհետեւ նաև Պրուսիայի պլանների մէջ չէին մտնում նորա քաղաքական ձգտումները Նլեդլիգ-Հոլշտայնի համար:

Մի առ ժամանակ նա իրան նւիրեց հրապարակախօսութեան, ապա 1853-ին եկաւ Վիեննա, ուր ուզեց հիմնել մի մեծ քաղաքական թերթ, մասամբ այն մտքով, որ, Ֆրիդրիխ Լիստի ծրագրով, Միջին-Եւրոպայի և Արևելքի առուտուրը Վիեննայում կենտրոնացնելուն նպաստի:

Յետոյ, հրաժարելով ընդունել Ֆինանսական մինիստրութեան մէջ մի ղեկավար խորհրդականի պաշտօն, որպէս զի իւր գիտնական աշխատութիւններից չ'շեղէ, Ֆինանսական մինիստր բարոն Բրուկի խորհրդով նա նշանակեց Վիեննայի համալսարանի քաղաքատնտեսութեան պրօֆեսոր՝ խօսերայից վախճանւած Նուակի տեղը: Դորանով սկսում է նորա ծառայութիւնը Աւստրիայում:

Մի կարճ ժամանակ, իւր նոր պաշտօնը ստանձնելուց յետ, նորան զբաղեցրեց իւր հին գաղափարը այն մասին թէ պետական գիտութիւնը պէտք է հիմնւի հասարակութեան գիտութեան վերայ: Եւ ահա լոյս է տեսնում 1856-ին նորա «Սիստեմ պետական գիտութիւնների»: Բայց գիտնական ասպարիզում նա սըկսում է հանդիսանալ իբր ստեղծող մի այլ գիտութեան, այն է «վարչական գիտութեան» (Verwaltungslehre): Այդ գիտութեան հայրը իսկապէս Նտայնն է: Բոլորը, նոյն իսկ ամենատարրական ոլժերը, որոնք սոցիալական կեանքի մէջ գործում են, թւում են նրան, կամ աւելի լաւ ասած, վարչական գիտութեան, իբր մի մի առարկաներ պետութեան վարչական աշխատանքի: Նա ջոկեց «կառավարութեան», «գաղափարը «վարչութեան», «գաղափարից, ցոյց աւելցնելով այն խոր զանազանութիւնը, որ կայ «օրէնքի» և «կարգադրութեան» մէջ: Նա առաջինն է, որ գիտութեան համար գտաւ նոր սահմանադրական պետութիւնների այդ սկզբունքները: Եւ նա թէ առաջինը և թէ միակն է, որ Վիեննայի համալսարանում երեսուն տարի շարունակ զասախօսում է այդ առարկան, մի առարկայ, որը ճանաչւեց իբր պարտաւորիչ՝ աւանդական առարկաների շարքում՝ (քա-

զաքատնտեսութիւն, ֆինանսագիտութիւն, իրաւունքի ֆիլոսոփայութիւն): Վարչութեան իրաւունքի կամ նաեւ պետական գիտութեան անունի տակ՝ վարչական իրաւագիտութիւնը այդ ժամանակից դէս ընդունեց նաեւ գերմանական միւս համալսարաններում, և մինչև անգամ պատճառ դառաւ, որ առանձին պետական գիտութիւնների ֆակուլտետներ բացեն, որոնց հիմնագրութիւնը Նոալինի նախաձեռնութեան գործն էր:

Նոալինի գրական աշխատութիւնները այդ առարկայի վերաբերեալ չեն կազմում մի գիրք, այլ գրքերի մի ամբողջ սիստեմ, որոնցից ամեն մէկը ըմբռնում է վարչութեան մի մեծ ճիւղ և ուր եւրոպական երկիրների վարչական կազմակերպութիւնը առաջին անգամ իրար հետ համեմատեց:

Վարչական գիտութեան մեծ սիստեմը Նոալինը բաժանեց երկու մասի, որոնցից առաջինն է՝ գործադիր մարմինը, նորա իրաւունքը և նորա կազմակերպութիւնը (1865 թ.) և երկրորդը՝ ներքին վարչութեան ուսումը: Այդ երկրորդի երեք բաժիններն են՝ անձնական, ոգեկան և տնտեսական վարչութիւն: Այդ բաժիններից առաջնում խօսւում է «ազգաբնակչութեան, առողջապահութեան և ոստիկանական իրաւունքի մասին. երկրորդում խօսւում է կրթութեան, այն է՝ ստորական և արհեստագիտական կրթութեան մասին և մամուլի ու ընդհանուր կրթութեան մասին: Երրորդ բաժնում խօսւում է զօրքի մասին:

Ամեն մի մասը և բաժինը մի մի հատոր գրքեր են, որոնցից մէկը կամ միւսը ժամանակի ընթացքում նոր տպագրութեան և նոր մշակութեան է ենթարկւել: Վարչութեան գործը առողջապահական ասպարիզում մի նշանաւոր գրեածք է, որը պետական գիտութիւնների գրականութեան մէջ իւր նմանը չ'ունի:

Կրթական գործը իւր նոր մշակած ձևով (1883) բռնում է երեք հատոր. դա մի մեծ պատմական աշխատանք է կրթական գործի զարգացման մասին իբր պատճառ և հետեւանք մասամբ պետական, մասամբ եկեղեցական և մասամբ կրօնական պատմութեան քաղաքակրթած երկիրներում թէ հնում, թէ միջին դարերում և թէ նոր ժամանակներում:

Ամբողջ աշխատութեան հիմքը կազմում է էլի մի հիմնական

միտք: Համաձայն մեր կրթական պրոցեսի հիմնական օրէնքի՝ թէ սովորութիւնը, աւանդութիւնը կանգ առած կրթութիւնն է, Նտայնը տալիս է այժմեայ կռիւների պատմական լուսաբանութիւնը վերաբերեալ ընկերայի և յառաջդիմութեան, կամ կանգ առած սովորութեան և միշտ առաջ դնացող նորաձեւութեան՝ մարդկային հասարակութեան մէջ. հասարակութեան, որը հիմնւած է այսպիսիքների վերայ թէ՛ ամեն մի անձ պէտք է ձեռք բերած կրթութիւնով վերանայ մինչ կարելիին չափ բարձր ոգեկան անկախութիւնը, որպէս զի նա ինքը ինքնաբերաբար այն անել կարողանայ, ինչ ուրիշ դէպքում մարդս անում է ահից՝ հեղինակութեան առջև:

Ոչ մի ուրիշը ցայժմ՝ չի կարողացել բուն մարդկային՝ եկեղեցական-դոգմատիկականից ազատ կրթութիւնը միջնադարեան հումանիտներից սկսած մինչ մեր դարուս սկզբի մեծ կրթիչները՝ Լաւատէր, Բագեդով և ուրիշներ և մինչ մեր նոր ժամանակների դեռ ևս չը դերազանցած գերմանական դպրոցական գործը այնպէս մասնակից անել եւրոպական կուլտուրայի պատմութեանը, որպէս այդ արել է Լօրենց Նտայնը իւր վերոյիշեալ երկով:

Նաև նորա երկը «Աւսումնի զինւորական գործի մասին, որպէս մասն պետական գիտութիւնների» (1872) նկատւած է որպէս վարչական գիտութեան վերաբերեալ աշխատութիւնների սիստեմի օգակներից մէկը: Ինչպէս իւր գրածքներից մէկում նա խառնել էր բժշկական խնդիրների մէջ, այնպէս էլ այս գրքով նա, որպէս վարչական իրաւունքի ուսուցիչ, առանց զինւորական լինելու, պատեւրազմական ասպարիզում տեղ է տալիս պետական գիտութիւններին: Աւաջ որպէս յայտնի է, զինւորները մնում էին զինւոր ցմահ, նոքա ծնւում էին իբր զինւորներ, դոքա կոչւումով զինւորներ էին: Բայց որքան կոչւումով զինւորականութիւնը դառաւ ժողովրդական — ընդհանուր զինւորականութիւն, այնքան էլ նա՝ ընդհանուր զինւորագրութեան սկզբունքի ոյժով՝ դառաւ մի մաս ընդհանուր պետական վարչութեան և որքան զօրքերը մեծանում են, այնքան աւելի նոցա վարչական մասը կարեւորութիւն է ստանում. այժմեայ պատերազմները և յաղթութիւնները կիսով և թերեւս աւելի չափով կախւած են զօրքի վարչութիւնից: Նտայնը ընդունեց պատւաւոր անդամ Վիեննայի զինւորագիտական ընկերութեան, որով ա-

պացոյց տրւեց թէ որքան հալընների մասնագիտական աշխարհը գնահատեց նորա այդ աշխատութիւնը:

Իւր բոլոր աշխատութիւնները վարչական իրաւունքի մասին նտայնը ինքը ամփոփեց մի ձեռնարկի մէջ՝ «Ձեռնարկ վարչական գիտութեան» (առաջին տիպը 1870-ին, երկրորդ՝ տիպը 1876-ին), որը բազմաթիւ ուրիշ՝ նորանից յետոյ գրած հեղինակների՝ նման ձեռնարկներից նորանով է տարբերուում, որ նա տալիս է ոչ թէ մի հատ պետութեան կազմակերպութեան նկարագիրը, այլ տալիս է պետական վարչութեան ուսմունքի մի սխտեմ, որով Եւրոպայի երկիրների մեծամասնութիւնը իրար հետ համեմատուում է:

Նշանաւոր գրւածք է նաև Նտայնի «Քաղաքատնտեսական գիտութիւնը» (առաջին տիպը 1858, երկրորդը՝ 1878, երրորդը 1887): Այդ ասպարիզի վերայ նա ունի նաև աւելի մանր գրւածքներ, որպէս՝ «Գիւղատնտեսական կրթութիւն», «Գիւղացիական կալւածք և ծխային իրաւունքը» (1882) մի յաւելւածով հողատիրութեան մասին:

Նորա գրւածքը՝ Կինը քաղաքատնտեսական ասպարիզում մինչև անդամ ժողովրդական դարձրեց — Նտայնի անունը:

Բայց այն ասպարէզը, ուր նա, որպէս սոցիալիական խնդրում և վարչական գիտութեան մէջ, նա ամենից շատ վաստակ ունի, է Ֆինանսական գիտութիւնը: Նորա «Ֆինանսական գիտութիւնը» (առաջին տիպ 1860, հինգերորդ տիպ 1886 թ.) ժամանակով դառաւ մի հիմնական աշխատութիւն, որի հետ կարող են դնել միայն Ռաուի գրւածքները և սոցա վերայ հիմնւած Ագոլֆ Վագների Ֆինանսական աշխատասիրութիւնները: Նա առաջինն էր, որ սխտեմական կերպով մոցրեց այդ գիտութեան մէջ սահմանադրութեան և վարչութեան զանազանութեան գաղափարը: Այդտեղ խօսուում է նախ՝ Ֆինանսական սահմանադրութեան, Ֆինանսական օրէնսդրութեան, բիւջետի որպէս Ֆինանսական օրէնքի նախադժի մասին, գործադիր իշխանութեան և Ֆինանսական գործի սահմանադրական վարչական իրաւունքի մասին: Միւս կողմից Ֆինանսական վարչութեան են վերաբերում պետական տնտեսութեան երեք մեծ ձիւղերը՝ պետութեան կարողութիւնը, հարկագիտութիւնը և պետական պարտքերի գործը: Եւ որքան մեղ յայտնի է, գրքի այս վերջին բաժնում առաջին անգամ մանրամասն կերպով համեմատու-

թիւններ արւեցին Եւրոպայի պետութիւնների պարտքերի և թուղթ դրամի սխտեմների համար:

Այսքանը նորա մասնագիտական աշխատութիւնների մասին: Բայց Նտայնը ունի մի շարք նշանաւոր գրածքներ, լիքը վերանորոգիչ գաղափարներով: Դոցանից նշանաւորներիցն է շեքերկան և ապագան Գերմանիայի պետական զիտութիւնների (1876), որի մէջ նա այս նշանաւոր միտքն է արծարծում, թէ «իրաւունքի բովանդակութիւնը իրաւունքը չէ, այլ այն ոյժերի գիտութիւնը, որոնք արտադրում են նորան: Այդ գրածքի առաջին գլխում նա տալիս է հռովմայական իրաւունքին իւր իսկական տեղը, իբր իրաւապատմական նախապատրաստող միջոց մեր այժմեայ իրաւունքի (իրաւաբանութեան) համար. հետեւեալ գլուխներում նա ցոյց է տալիս այն ոյժերը, որոնք մեր այժմեայ միշտ առաջ ընթացող հասարակական կարգերի հիմքն են կազմում և որոնք կազմել են մեր այժմեայ իրաւունքը. այն է՝ սեռական կարգերը, դասակարգային կարգը և քաղաքացիական հասարակութեան կարգը, որոնց իրաւունքը շեռ ևս միշտ նորակազմ շարժողութեան մէջ է գտնւում:

1879-1880 թ-ին լոյս տեսան նորա երկու շատ հետաքրքրական գրածքները: «Պետական գիտութեան զարգացումը հին յոյների մէջ» (1879) յետոյ «Վաշխառութիւնը և նորա իրաւունքը», ուր վաշխառութեան զանազան տեսակները քաղաքատնտեսական տեսակէտից ամփոփւում են մի սխտեմի մէջ, որի մէջ նոցանից իւրաքանչիւրը նկատւում է իբր ծնունդ կեանքի այլ և այլ հանգամանքների:

Յիշատակելու արժանի է նորա մի փոքրիկ բրոշիւրը՝ «Ուսուցանելու ազատութիւնը, գիտութիւնը և ուսանողական վճարը» (1875), որը այդ ժամանակ իւր յաղթութիւնը տարաւ այն վտանգաւոր նորութեան դէմ, որով ուզում էին համալսարանական պրոֆեսորներին մի հաստատ ուժիկ տալ: Նտայնի միտքը այս էր, որ պրոֆեսորների մէջ պէտք է յարատեւ ազատ մրցութիւնը գիտնական վաստակների համար, որոնց չափը չափւում է պրոֆեսորի ըսողների թւով և ուսանողական վարձատրութեան մեծութիւնով:

Այս բոլոր գրածքներից դուրս, Լօրենց Ֆօն Նտայնը իւր սկզբնական տարիներից դէս չի թողել հրապարակախօսական ասպարիզում

գործելու, գլխաւորապէս նախկին Աւագբուրգի, իսկ այժմ Միւնխենի «Ալգեմայնէ Յայտունք» (Հանրային լրագիր) օրաթերթում, և «Հիւսիս-Հարաւ» գերմանական ամսագրում և Վերջինումս տպածներից մէկն է մի շատ սիրուն յօդաւած «Երաժշտութիւնը պետական գիտութիւնների մէջ», որի մէջ երաժշտական գործիքներին՝ պատմութեան և մարդկային հասարակութեան կարգերի տեսակէտից՝ իրանց օրգանական տեղն է տրուում։ Շւին (Ֆլէյտա) իւր սկիզբն է առնում խաչն արած ցեղերի մէջ, ջութակի և թմբուկի աղբիւրը՝ ոչխարապահութեան և կաշեգործութեան մէջ է, փողը՝ հանքագործութեան է պարտական և ձիաւոր ղինւորին, ամբողջ օրքեստրը կարող էր ստեղծւել միմիայն մեծ կալածատիրութեան ազդեցութեան ներքոյ, մինչդեռ այնքան ատւած և այնքան սիրւած դաշնամուրը ներկայանում է որպէս քաղաքացիականութեան արգասիք։

Պէտք էր սպասել, որ Շտայնի նման ուղեղը աւելի կը ձգտէր բանաստեղծութիւնը պրօզայացնել, քան բանաստեղծական իդէալներով հրապուրելու Որ այդպէս չէ, ապացոյց են նորա «Ալպեան վարդերը», հաւաքածու ոտանաւորների, որոնք երկար ժամանակ նորա գրասեղանում փակւած մնացելուց յետ վերջապէս հրապարակ եկան։ Շտայնի վերջին գրւածքն է, որպէս այդ իմանում ենք նորերումս, «Վինը», նորա կրթութիւնը և կեանքի կոչումը (1890 թ.), որով նա երրորդ տպագրութեամբ մի գիրք է նորից մշակել, որի աւաջին տպագրութիւնը լոյս տեսաւ 38 տարի առաջ, ծածկանունի տակ։ Շտայնը կապում է կանանց խնդիրը քաղաքատնտեսութեան հետ և, որպէս այդպիսին, Շտայնը առաջին գիտնական հեղինակն է այդ խնդրի մէջ։ Գրքի հիմքում դրւած են երկու գաղափարներ։ Քաղաքատնտեսական գաղափարը տան տիկնոջ յատկացնում է սպառման մեծ ճիւղը, մինչդեռ բոլոր քաղաքատնտեսական դպրոցները մինչ այժմ միայն արդիւնաբերութիւնն էին ճանաչում։ Միւս կողմից այդ գիրքը մի յորդոր է կանանց կրթութեան գործին, որը առջիններին կրթում է մարդու գնայու և ոչ ամուսնութեան համար։ որովհետեւ տղամարդու առանձին և սահմանափակ եկամուտների բաժանումը, ցրւելը, բաշխումը առօրեայ տնային պէտքերի համար կոչումն է և մի արհեստ, որպէս է և տղամարդու արդիւնաբերող գործը։

Այս անսովոր գրական և գիտնական բեղմնավարութիւնը նշանաւոր գիտնականին ամենեւին չի խանգարել նաեւ գործնական թէ՛ գրական և թէ՛ առևտրական ձեռնարկութիւնների մէջ գործունեայ լինելը։ Աւստրիայում այժմ ծաղկող ձեռնարկութիւններից մէկը կամ միւսը Շապինին են պարտական կամ մասամբ կամ ամբողջապէս։

Նա է հիմնադիրը և երկարամեայ նախագահը «Աւստրիա» անունով կեանքի ապահովութեան և խորհրդի անդամ է մի մեծ երկաթուղու։ Նա է հիմնադիրը «Անշարժ կայքերի ընկերութեան» որը վարկի ընկերութեան նման մի հիմնարկութիւն է։ Նա ծնունդ տւեց «Որէնսդրութեան և վիճակագրութեան կենտրոնական արխիւ» անունով պարբերական հրատարակութեան։ Նա էր մէկը խմբագիրներից «Աւստրիա» ամսագրի առևտրական միտնարկութեան մէջ։ Նա է հիմնողը և խմբագիրը առաջին «Աւստրիական երկաթուղային թերթի», որը եւրոպայի ամենամեծերից մէկն է դառնել, որպէս նաեւ «Կենտրոնական թերթի երկաթուղիների և նաւագնացութեան համար», որը օրդան էր դառնել տէրութեան ամբողջ երկաթուղային գործի և որը այժմ առաջել է մի ուրիշ ձև (Verordnungsblatt)։ Դորանով յաւաքացած պակասը նա ձեւաց լրացրեց հիմնելով «Ամսագիր երկաթուղիների և նաւագնացութեան», որը այս երեք տարում բարձրացել է մինչ երկաթուղային քաղաքականութեան և վարչութեան հեղինակաւոր ամսագրի աստիճանը։

Իւր արդիւնագործական ձեռնարկութիւնների մէջ յաջողութիւնը միշտ չի խրախուսել նորա եռանդոտ և բազմակողմանի նախաձեռնութիւնը։

Մի նոր գտած ակրատութեամբ ջրերի վերայ նա հիմնեց մի հանքաջրային կայարան «Ֆրանց-Իօգէֆ-բադ Տիւֆֆեր»։ Աւստրիայում, որը այժմ էլ ծաղկում է իբր «Նուայէրի Գաշտէյն»։ Բայց երբ նա, ապակագործութեան բեղբիական սխտեմը ներմուծելու համար մի ընկերութիւն հիմնեց և այդ նպատակով անսահման երաշխաւորութիւններ յանձն առաւ կապիտալներ ձարելու համար՝ նա իւր բոլոր կարողութիւնը կորցրեց՝ ապակու գնի յանկարծակի անկման պատճառով, բայց գլխաւորապէս գործավարութեան մէջ պատահած մեծ անկարգութիւնների պատճառով։

Այսպիսով նա իւր հին հայրենիքում մարտիրոս եղաւ իւր հայ-

րենասէր ձգտումներին, նոր հայրենիքում՝ նա հնձեց թէ պատիւ և թէ գոթաղղութիւն: Օրէնքի համաձայն, 30 տարի պրօֆեսորութիւնից յետ, նոյն պէտք է թողնէր ամբիոնը: Համալսարանը թողնելիս, նորա ընկերները ուղղեցին նրան մի ուղերձ, որը շատ սակաւներին է վիճակում, քանի որ նա համալսարանի թեկտոր չէր: Տէրութիւնից ունի ստացած զանազան շքանշաններ և ալժամ էլ մնում է անդամ Վիեննայի Գիտութիւնների ձեմարանի, պատուաւոր անդամ զինւորագիտական ընկերութեան, անդամ ստատիստիքական կենտրոնական մասնաժողովի, պետական երկաթուղիների խորհրդի և պատուաւոր քաղաքացի: Տիւֆէր ականի Տոպէրմարկում:

Տոպյնի համաշխարհային գիտնական հռչակը նաև արտասահմանից մեծ պատուատուութեան առիթներ տւեց՝ Իտալիայից, Ռուսիայից, Ֆրանսիայից և Եւպոնիայից: Նա անդամ է մի քանի գիտնական ակադեմիաների արտասահմանում:

Եթե անսնամեակը անցած Տոպյնը, որպէս հաղորդում են, դեռ ևս զւարթ առողջութեան տէր է և առոյգ. այնպէս որ պէտք է յուսալ, որ նորա գործունէութեան այս նկարագիրը զեռ ևս լրացնելու կարօտ կը լինի նորա մահկանացուի գործքերի ամբողջութեան տեսակէտից:

Ա. Ա.